А уже бо въстона ⁸¹ земля татарская, бедами и тугою покрышася. Уныша бо царемъ их хотъние и похвала на Рускую землю ходити, веселие их пониче. Уже рускиа сынове разграбища татарская узорочья, доспехи и кони, волы и велблуды, вино, сахарь, дорогое узорочье, камкы, насычеве (л. 223) везут женам своимъ. Уже жены рускыя въсплескаща татарьским влатомъ. Уже [бо по] ⁸⁵ Рускои земли простреся веселье и [буйство] ⁸⁶ и възнесеся слава руская на поганых хулу. Уже веръжено диво на землю. Уже грозы великого князя по всеи земли текуть. Стръляй, князь великый, по всъм землям. Стръляй, князь великый, с своею храброю дружиною поганого Мамая хиновина за землю Рускую за въру христьяньскую. [Уже] ⁸⁷ поганы[е] ⁸⁸ оружие свое поверъгоща, [а] ⁸⁹ главы своя ⁹⁰ подклонища подъ мечи руския. Трубы ихъ не трубятъ, уныша [гласи ихъ]. ⁹¹

И отскочи [поганый] 92 Мамай сврым волком от своея дружины и притече к Кафы граду. И молвяще ему фрязове: чему ти, поганыи Мамаи, [посягаещь] 93 на Рускую землю? То ти была орда Зальская, времена первыи. А не быти тебь в Батыя царя. [У Батыя царя было] 94 400 000 вою, воеваль всю Рускую землю и пльнил от встока и до запада. А казниль богъ Рускую землю за съгрешение. И ты пришель [царь] 95 Мамаи на Рускую землю съ многими силами, съ девятю ордами, съ 70 князьми. А ныне бежишь самъ девять в лукоморье, [не с кем тебъ зимы зимовати в поль. Нъшто тобя князи руские горазно подчивали, ни] 96 князеи с тобою нътъ ни воеводъ? Нъчто гораздо упилися на поль Куликовъ на травъ ковыли? Побежи, поганыи Мамаи, и от насъ по Задлъшью. 97

 $^{^{84}}$ 7 84 7 85 86 86 86 86 86 86 86 87 7 88 88 89 99

А въстона бо, брагие, Киевъ тугою, а Черниговъ напастьми... Уныша бо градомъ забралы, а веселие пониче... всякыми узорочьи... готьскыя красныя двы... звоня Рускымъ златомъ... По Рускои земли прострошася половци... и велькое буйство подаста Хинови (ср. хогя птицю въ буйствъ одольти)... Уже снесеся хула на хвалу... уже връжеся Дивъ на вемлю... Грозы твоя по землямъ текутъ... Стреляй, господине, Кончака, поганого кощея, за землю Рускую... сулицы своя повръгоша, а главы своя подклониша подъ тыи мечи харалужныи... Трубы трубят... уныли голоси, пониче веселие... Всеславъ... скочи от ныхъ лютымъ звъремъ... скочи влъкомъ до Немиги... влъкомъ рыскаше... Игоръ.... скочи съ него бусым влъкомъ... Влустьтакъмъ по ете...